

Utoqqaat illersuisuat pillugu Inatsisartut inatsisaat pillugu Namminersolutik Oqartussat nalunaarutaat

Matumuuna Utoqqaat illersuisuat pillugu Inatsisartut inatsisaat nr. 37, 28. november 2019-imeersoq, Inatsisartut inatsisaanni nr. 14, 1. december 2021-imeersumi allannguutitalinni nalunaarutigineqarpoq.

Kapitali 1

Siunertaq

§ 1. Inatsisartut inatsisaanni matumani inuiaqatigiinni utoqqarnut atugassarititaasut soqtigisaasalu iluaquuserneqarnissaat siunertaavoq.

Kapitali 2

Utoqqaat illersuisoqarfiat

§ 2. Utoqqaat illersuisoqarfiat tassaavoq Utoqqaat illersuisuat allattoqarfialu. Suliffeqarfik Utoqqaat illersuisuannit aqunneqassaaq.

Imm. 2. Utoqqaat illersuisuat sulinermini politikkimut attuumassuteqarani sulivoq.

Utoqqaat illersuisuat

§ 3. Utoqqaat illersuisuat Naalakkersuisunit toqqarneqassaaq.

Imm. 2. Utoqqaat illersuisuat piffissami ukiunut 3-nut killissaleriikkamik toqqarneqassaaq.

Toqqaqqittooqarsinnaavoq.

Imm. 3. Utoqqaat illersuisuat piffissami ukiut 3-t iluanni Naalakkersuisunit tunuartinneqarsinnaavoq, tamatumunnga pissutaasinnaasut ataaseq arlallilluunniit kinguliini taaneqartut naammassineqarsimappata:

1) Inatsisartut inatsisaat manna malillugu Utoqqaat illersuisuata suliassaasa suliarineqarnerat Utoqqaat illersuisuannit annertuumik sumiginnarneqarsimappata.

2) Utoqqaat illersuisuat iliuuseqarsimappat Utoqqaat illersuisuata Inatsisartut inatsisaannut tunngatillugu suliassaasa Utoqqaat illersuisuannit isumannaatsumik suliarineqarnissaannik nalorninarsitsilersumik.

Imm. 4. Utoqqaat illersuisuata manna tikillugu illersuisuusimasup tunuartinneqarneranut atatillugu Utoqqaat illersuisussaannik nutaamik toqqaasoqartillugu, tak. imm. 3, ukiut 3-t iluanni piffissami sinneruttumi Utoqqaat illersuisussaat nutaaq toqqarneqassaaq.

Utoqqaat illersuisuata suliassai

§ 4. Utoqqaat illersuisuata utoqqaat periarfissaasa soqutigisaasalu qulakkeernissaat iluaqusernissaallu suliarissavai kiisalu utoqqaat atugaannik qitiutitsillunilu paasissutissiisassaaq.

Imm. 2. Pingaartumik Utoqqaat illersuisuat:

- 1) Utoqqaat atugaat periarfissaallu pillugit utoqqarnut siunnersuillunilu ilitsersuisassaaq.
- 2) Utoqqaat atugaat pillugit apeqqutinut tunngassuteqartunik, pisortani oqartussanut, pisortat namminersortullu suliffinut kiisalu kattuffinnut peqatigiiffinnullu il.il. siunnersuillunilu ilitsersuisassaaq.
- 3) Inuiaqatigiinni utoqqaat, atugaallu pillugit inuiaqatigiinni ilisimasat annertusarnissaat sulissutigissavaa.
- 4) Utoqqaat pillugit paasissutissanik ingerlatitseqqittassalluni, tamat oqallinneranni sinnerlugin oqaaseqartassalluni kiisalu utoqqaat oqallinnermi peqataanissaannut periarfissaasa pitsaanerulernissaannik sulissuteqartassalluni inuiaqatigiinnilu ineriaartornermik sunniuteqartassalluni.
- 5) Utoqqaat atugaannik periarfissaannillu patajaallisaataasunik suliniutissanik siunnersuuteqartassaaq.

Imm. 3. Kommunit kattuffinnillu utoqqarnik sullisisut utoqqarnut sinniisui, Utoqqaat illersuisuata sulineranut naleqquttumik periarfissaqarnerlu allaavigalugit imm. 2, nr. 1-5 malillugit peqataatinneqartassapput.

§ 5. Utoqqaat atugaannut pingaaruteqartunik inatsisitigut suliniutinut allatigullu suliniutinut atatillugu Utoqqaat illersuisuatu tusarniarneqartassaaq.

§ 6. Utoqqaat atugaannut pingaaruteqartuni apeqqutini nalinginnaasuni Inatsisartut, Naalakkersuisut aamma pisortani oqartussat allat Utoqqaat illersuisuannik isumasiuisinnaapput.

§ 7. Utoqqaat illersuisuatu ukiut tamaasa suliffeqarfiniti pillugu ukiumoortumik allaganngorlugu nalunaarusiortassaaq.

Imm. 2. Nalunaarusiaq Utoqqaat illersuisuata nittartagaani tamanut saqqummiunneqartassaaq.

Imm. 3. Nalunaarusiaq, saqqummiussineq ilutigalugu, Naalakkersuisunut, Inatsisartunut kommuninullu nassiunneqartassaaq.

Utoqqaat illersuisuata piginnaatitaaneri

§ 8. Utoqqaat illersuisuatu piginnaatitaavoq Utoqqaat illersuisuata suliaqarfinitu pissutsit attuumassuteqartut pillugit killilersorneqarnani oqaaseqarsinnaanermut, taamaattorli tak. § 11.

Oqaaseqaatit kimut sammitinneqassanersut Utoqqaat illersuisuata nammineq aalajangertassavaa.

Imm. 2. Utoqqaat illersuisuata pissutsit utoqqarnut ataasiakkaanut tunngassuteqartut pinnagit, pissutsit utoqqarnut nalinginnaasumik tunngassuteqartut kisiisa oqaaseqarfingisinnaavai.

Imm. 3. Utoqqaat illersuisuatu taamaallaat oqaaseqaateqarsinnaatitaavoq. Utoqqaat illersuisuatu aalajangiisinnaatitaanngilaq.

§ 9. Utoqqaat illersuisuata allattoqarfissa pilersinneqassaaq.

Imm. 2. Allattoqarfik aqtsinermi allaffissornikkut suliaqassaaq aamma suliamut tunngasunik Utoqqaat illersuisuannut ikuuttassalluni.

Imm. 3. Ulluinnarni allattoqarfimmi atuuffimmik isumaginnittussamik Utoqqaat illersuisuat sulisussamik atorfinitstsissaaq.

Imm. 4. Suliassanik aalajangersimasunik isumaginnittussanik inunnik sulianik aalajangersimasunik isumaginnittartunik piffissamut killilikkanik atugassaqartitsisoqarluni atorfinitstsisoqarsinnaavoq.

Imm. 5. Allattoqarfimmi atorfillit atugassarisanut aamma atorfinnernut pissutsit sinnerinut, atorfininnerup nalaani pissutsinut soraarsitaanernullu tunngatillugit aalajangersakkut, Namminersorlutik Oqartussat qitiusumik allaffeqarfata ataani atorfegartunut qaqugukkulluunniit atuuttunut ilaapput.

Kapitali 3

Suliamik suliarinninnermi malittarisassat

§ 10. Utoqqaat illersuisuata sulinerani pisortat ingerlatsiviini sulianik suliarinnittarneq pillugu Inatsisartut inatsisaata toqqaannartumik atorneqarsinnaanngiffiani, Inatsisartut inatsisaanni, aamma ingerlatsivinni ingerlatsinerup inatsisitigut periutsini tunngavigisat, aamma inatsisitigut aalajangersarneqarsimannngitsunut, taamatut atuutsinneqassapput.

Imm. 2. Utoqqaat illersuisuata saaffiginninnerit itigartissinnaavai aamma suliat, Utoqqaat illersuisuannit ingerlanneqartut unitsillugit inissikkallarsinnaavai.

Imm. 3. Utoqqaat illersuisuata saaffiginnissutinik itigartitsineri aamma sulianik unitsitsilluni inissiigallarneri, Utoqqaat illersuisuata nammineq piumassutsini naapertorlugu suliarilersimanngisaminik, allaganngortinneqassapput tunngavilersorneqarlutillu.

Imm. 4. Utoqqaat illersuisuata saaffiginnissutinik itigartitsineri aamma sulianik unitsitsilluni inissiigallarneri Naalakkersuisunut imaluunniit allaffissornikkut oqartussanut allanut naammagittaalliuutigineqarsinnaangillat. Assinganik Utoqqaat illersuisuata oqaaseqaataanut tamanna atuuppoq.

§ 11. Utoqqaat illersuisuatu allattoqarfllu § 9 naapertorlugu pisortani ingerlatsivinni sulinermi malittarisassat atuuttut najoqqutaralugit nipangiussisussaatitaapput.

Kapitali 4

Aningaasalersuineq

§ 12. Utoqqaat illersuisoqarfiat aningaasalersorneqassaaq nunatta karsianit tapiissutit aqqutigalugit.

Imm. 2. Utoqqaat illersuisuatu sulinerminut atatillugu pisortani oqartussanit allanit imaluunniit kattuffinnit, peqatigiiffinnit, suliffeqarfinnit namminersortunit il.il. aningaasaliiffigineqarnissamik qinnuteqarsinnaavoq.

Imm. 3. Utoqqaat illersuisuatu inatsisit aalajangersakkat iluanni suliniarsinnaavoq aningaasatigut

isertitaqarnermik nassatalimmik. Isertitat Utoqqaat illersuisuata inatsisinik tunngaveqartunik suliassaanik naammassinninnissaanut ilaassapput.

Missingersuutit naatsorsuutillu

§ 13. Utoqqaat illersuisuat ukiut tamaasa Naalakkersuisunut ukiumut aningaasarsiorfiusumut tulliuttumut aningaasatigut missingersuutissatut siunnersummik tunniussaqartassaaq. Siunnersuut isertitassatut aningaasartuutissatullu missingersuutinik imaqassaaq. Utoqqaat illersuisuata ilutigalugu ukiumut aningaasarsiorfiusumut pineqartumut nunatta karsiata tapiissutaasa annertussusissaannut siunnersuut tunniuttassavaa.

Imm. 2. Aningaasatigut missingersummumt siunnersuutip aamma ukiumut naatsorsuiffimmut tulliuttumut nunatta karsiata tapiissuteqarnissaata annertussusissaanut siunnersuutip tunniunneqarfissaanut Naalakkersuisut piffissaliissapput.

§ 14. Utoqqaat illersuisoqarfiata ukiumut naatsorsuiffiata ukioq naatsorsuiffik malissavaa.

Imm. 2. Ukiumut naatsorsuutit inernerri kukkunersiorneqassapput kukkunersiuismik nunap karsianik kukkunersiuisartumit.

§ 15. Utoqqaat illersuisuata ukiumut naatsorsuutit kukkunersiorneqarsimasut, kukkunersiuisup oqaaseqaataanik ilanngussartallit, Naalakkersuisunut akuerisassanngortillugit saqqummiutissavai.

Imm. 2. Naalakkersuisut saqqummiussinissamut piffissaliissapput, tak. imm. 1.

Kapitali 5

Atuutilerfia

§ 16. Inatsisartut inatsisaat manna, ulloq 1. januaari 2020-mi atuutilissaaq.

Inatsisartut inatsisaata nr. 14, 1. december 2021-imeersup (Allattoqarfiup allanngortinna)^[1] atuutsitsilernissamut aalajangersagaq una imaraa:

§ 2

Inatsisartut inatsisaat ulloq 1. januaari 2022-mi atuutilissaaq.

Isak Nielsen Kleist

/

John Maahr Hansen

[1] Inatsimmik allannguineq § 9 aamma § 16, imm. 2-mut tunngassuteqarpoq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut